

# SETLHA SA MOTŠHELO SE BULA KA 1 JULAE BAKENG SA DIRIŠI BA EFILING

**PRETORIA, Labobedi 25 June 2019** – Ka ge Setlha sa Motšhelo se batametše, Ba Ditirelo tša Motšhelo tša Afrika Borwa (SARS) ba hlohleletša balefela motšhelo bao ba swanetšego go faela dipušetšo tša motšhelo wa letseno go diriša SARS eFiling goba SARS MobiApp go faela dipušetšo tša bona go tloga ka la 1 Julae 2019.

Balefela motšhelo bao ba sa dirišego SARS eFiling goba SARS MobiApp eupša ba hloka thušo go tšwa go bašomedi ba lekala la SARS go faela dipušetšo tša bona tša motšhelo wa letseno, ba tla kgona go dira bjalo go tloga ka la 1 Agosetose 2019. Letšatši la mafelelo bakeng sa go faela ka go lekala la SARS ke la 31 Oktobore 2019, sebakanyana se se kopana.

Balefela motšhelo bao e sego ba sebakanyana bao ba dirišago SARS eFiling le SARS MobiApp ba ka hwetša sebaka se se teletšana sa go faela dipušetšo tša bona, ka letšatši la mafelelo la 4 Disemere.

Lebaka la go dira tlhakego ye ya gakgamatšo go Setlha sa Motšhelo sa 2019 ke go tlhohleletša balefela motšhelo go diriša dikanale tše pedi tša ditšitale, e lego SARS eFiling le SARS MobiApp, tšeo di hwetšagalago ka 24/7, se fana ka dika tšeo di kaonafadišwego gape di thuša gore balefela motšhelo ba se hloke go ema methaladi e metelele go lekala la SARS.

Bakeng sa 2019 SARS MobiApp bakeng sa dimatefounu tšeo di ka taoneloutwago go tšwa go Play Store goba App Store, di tla dumelela balefela motšhelo go ngwadiša bakeng sa SARS eFiling, go romela pušetšo, go louta ditokumente tša thekgo, go utulla mainaphetiši goba go diragape diphasewete le go lebelela Dikelo tša bona tša Ditsebišo (ITA34), magareng ga ditirelo tše dingwe.

Tlhakego ya gakgamatšo go Setlha sa Motšhelo sa 2019 e tloga e hlokega ka lebaka la gore SARS e tšwelapele go amogela balefela motšhelo ba go feta millione go makala a yona bao ba sa hlokego go faela dipušetšo tša bona tša motšhelo.

SARS e rata go gopotša balefela motšhelo gore ga se balefela motšhelo ka moka bao ba hlokago go faela pušetšo ya letseno. Balefela motšhelo bao ba fihlelelago dikheraetheria ka moka tše di latelago ga ba hloke go romela pušetšo:

- Palomoka ya bona ya letseno la mošomong la ngwaga pele ga motšhelo ga e fete R500 000
- Ba amogela fela letseno la mošomo go tšwa go MONGMOŠMO O TEE bakeng sa ngwaga ka botlalo wa motšhelo
- Ga ba na mokgwa o mongwe wa LETSENO (mohlala putšetšo ya koloi, letseno la kgwebo, le letseno la rente, tswala ya go tšhelelwa goba letseno go tšwa go mošomo o mongwe)
- Ga ba na putseletšo enngwe ya tlaleletšo ya go tšhelelwa ya go nyalelana le dikgogelo tšeo di ka kleingwago (mohlala, ditshenyagelo tša kalafi, dikabelo tša go rola modiro le ditshenyagelo tša maeto).

Go tšwelapele ka go thuša balefela motšhelo gore ba se dire maeto a go se hlokege a go ya makaleng a SARS, balefela motšhelo bao ba sa hlokego go faela pušetšo gape bao ba faetšego leboelela kgale ba tla hwetša ditsebišo go tšwa SARS tša gore ga ba hloke go romela dipušetšo.

Go tlaleletša ba tla amogela poelo ya ketšišo go tšwa SARS e be o kare ba šetše ba faetše pušetšo. Poelo e tlo thewa godimo ga tshedimošo yeo SARS a e amogetšego go tšwa go bengmešomo le methopo e mengwe gomme e tla letša seo molefela motšhelo a ka se letelago ge eba go bonala e ke ba faetše pušetšo.

Matšatši a mafelelo a Setlha sa Motšhelo

- Bakeng sa eFilers le badiriši ba SARS MobiApp, Setlha sa Motšhelo se bula ka 01 Julae gomme se tswalela ka 04 Disemere 2019
- Balefela motšhelo bao ba yago go lekala la SARS go yo faela, ba tla thušwa go tloga ka 01 Agosetose go fihlela ka 31 Oktobore 2019
- Balefela motšhelo ba sebakanyana ba na le fela go fihlela ka la 31 Janaware 2020 go faela ka SARS eFiling.